

آبونه اولق ایستینلردا اثره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

سنه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون بوسته احررتی اوله رق
اون بش غروش ضم اولنور

نسخه سی ۴۰ پاره در

حکومت عثمانیه

هفته ده ایکی دفعه جمعه ایرتسی و چهارشنبه کونلری نشر اولنور محتویاتی امور عدلیه متعلقدر



خبر و محرمین و حضرت خلائفینا اعظمین

مظهر فیض رب مستعان خلیفه رسول ذیشان ولی نعمت بیتمنر شهنشاه معدلت پناه بی مدانی «غازی سلطان عبدالحمید خان ثانی» افندمر
حضر تلرینک مبداء سعادت ملک و دولت و باعث رفاه رعیت اولان یوم جلوس هایون میامن مقرون جناب شهریار اعظمیلرینه مصادفت شرف
عالمه اسسیله مفخر الایام اولان بوروز فیروزک دوره سعادت بخشاشنی باکمال من و شکران ادراک بختیار لغیله مباہی و شا کر لطف الہی بولنان
بندکان و تبعه صادقہ ملوکانه لری اشویوم مبروری تعظیم و تبجیل ایلہ اکتساب شرف و سعادت نامتناہی و اظهار سرور و شادی ایدرک اوراد
السنة عبودیت اولان دعای مفروض الادای ولی نعمت بیتمن اعظمی بی ایصال اجابتکاه جناب احدیت ایلدکری کبی نیر تابان عدالت تاجدار
فاروق خصلت افندمر حضر تلرینک اجراءات عادلہ هایونلرینی نشر و اعلان خدمتیلہ نصیبہ دار افتخار بولنان جریده محاکم عدلیه دخی آستان
بلند ایوان جناب ظل الہیلرینه فرش جبین عبودیتله عرض فریضه تبریک و تهنیت ایلر.

جناب خیر الحافظین مؤید دین و دوات حارس بنیان قویم عدالت پادشاهمز افندمر حضر تلرینک وجود مبارک و مقدسلرینی و فور تندرستی
و عافیتله پیرایه ساز اریکه خلافت و سلطنت و نیجه نیجه دوره یوم جلوس مسعدت مأنوس جناب ملکدار اعظمیلرینی ادراکه قرین موفقیت
بیورسون آمین

بحرمة سید المرسلین



رسم کشاد

ولی نعمت بيمتزم خليفه فاروق شمار سلطان بلند اقتدار افندمر حضرتلرنيك نزد عالی ملوكانه لرنده تعميم عدل و داد و احقاق حقوق عباد قضيه سی بغایت مطلوب و ملتزم اولوب اسكدار بدایت محكمه سنك تشكيلات حاضره سی ایسه اول حوالينك سایه ترفیاتی پیرایه ملكدار اعظمیلرنده آن بان اكتساب ایتمكده اولدینی وسعت و مآثر معموریتله متناسب بولمديغندن تسهیل و تسريع مصالح و معاملات ایچون محكمه مذكوره به رجزا دائرة سنك علاوه سی و عدلیه نظارت جلیله سی انجمن مخصوصنجه انتخاب اولنسان هیئت حاكمه نك اجرای مأموریتلری خصوصه بالاستیدان اراده معدلت معتاده حضرت خلافتیهای شرفیبرای صحیفه سنوح و صدور بیورلمش اولغله روز جلوس میامن مانوس جناب ولی نعمت بيمت اعظمییه شرفصادف اولان اشبو یوم مسعدت توأمده ارکان مأمورین عدلیه و بعض ذوات مناسبه حاضر اولدقلری حالدہ دعای تراید عمر وعافیت واجلال وتوافر شان واقبال حضرت خلافتیهای جله طرفندن تذکار و تلاوت اولنهرق سالف الذکر جزا دائرة سنك رسم کشادی اجرا قلمشدر .

تجلیات

اسكدار بدایت محكمه سی جزا دائرة سی ریاستی درسمعات بدایت محكمه سی مستنطق اعضاسندن سعادتلو علی رضا بك افندی حضرتلرینه اسكدار بدایت محكمه سی اعضاالی محكمه تمیز باش مدعی عمومی معاونلرندن عزتوسامح بكه اسكدار بدایت محكمه سی اعضاالی دیار بكر ومعموره العزیز ولایتلری عدلیه مفتشی عزتو توفیق افندییه

اسكدار بدایت محكمه سی اعضا ملازمینكی مكتب حقوق شاهانه ماذنلرندن وعدلیه نظارت جلیله سی سجل مأمورین قلمی کتبسندن فهمی بكه درسمعات بدایت محكمه سی مستنطق اعضاالی سلالینك ولایتی مرکز تجارت محكمه سی رئیس رفتلو مدوح بكه تفویض بیورلمش ومشار ومومی الیهمدن حلف اولیان فهمی بكه ذات شوكتیبات حضرت خلافتیهای به ودولت علیه لرینه صادقانه ایقای حسن خدمت ایده چكنه وخلاف ناموس و صداقت ومغایر عدالت احوال وحرکاتی ده ارتکاب ایتمه چكنه دائرة امر تخلفی اجرا قلمشدر .

تجلیات

اسكدار بدایت محكمه سی جزا دائرة سی باش کتابتنه عدلیه نظارت جلیله سی مکتوبی قلمی خلفاسندن رفتلو حاصم بك تمین اولمش واصل مقررده وجهله امر تخلفی اجرا قلمشدر .

تجلیات

انجمن عدلیه دن تنظیم واعطا قتلان مذكوره در : محاکم شرعیه دن غایباً وریلوب محكوم علمیم طرفلرندن اعتراض اولنان اعلامات حقننده دوائر اجراییه جه اتخاذ اولنهرق معامله به دائرة تعلیمات مخصوصه سنده صراحت اولماسندن و اجرای دوام معترضك ومعاملات تنفیذیه نك علی الاطلاق تأخیری دخی محكوم لهك اضرائی مستلزم کورنمندن ناشی بعض محللردن بومستلایه متعلق وقوعبولان استفسار اوزرینه انجمنندن تنظیم قتلان ۶ تشرین اول سنه ۳۲۱ تاریخلی مذكوره درسمعات اعلامات شرعیه اجرا دائرة سنجه الیوم جاری اولان اصوله توفیقاً احوال نمائنده محكوم علیهك اعتراض استدعا نامه سی مرجعه اعطا ایه برابر شومراجعتی ناطق استحصال ایده حکی علم وخبری دائرة اجرادن کندوسنه وریلان مهل ظرفنده اراز وارائه ایلدیکی صورتده جریان ایده چك محاکمه وجاهه نتیجه سی بین رأساً وتعیق کیفیت ایتیان معترضك دخی اساس دعوا به نظرراً مدعی صفتنده بولنسان خصملری جانبندن محكمه شرعیه به المراجعه قاعده مرعیه سی وجهله تنظیم وتبلیغ اولنهرق خطرله ووقوعبولان دعوته عدم اجابتی حالنده حکم غیایینك تنفیذی لازم كله چكنی مضمئن ذیلأ ایکنجه دفعه وریله چك اعلامك موقع

اجرایه ابرازینه دکن معاملات اجراییه نك تأخیری هرا یکی طرفك حقوقی تأمینه کافی تدابیردن اولغله بوبولده ایجاب ایدن مأمورین اجراییه تبلیغات ایقاسی بیان اولمشیدی .

بالآخره استفسار مطالعه بی حاوی مقام مشیخت جلیله به یازیلان تذکره علیه به جواباً وارد اولوب حواله قتلان ۱۲ نیسان سنه ۳۲۲ تاریخلی تذکره ده بجه نك بیک سکر یوز اوتوز التنجی ماده سنك فقره اخیره سی بوبایده ارایلان ایضاتی حاوی اولدیغندن اولوجهله ایجاب ایدن معامله نك ایقاسی لازم كله چكي مجلس تدقیقات شرعیه افاده سنه عطفاً بیان واشعار اولمش وماده مذكوره دخی غیاباً علیه حکم اولنان كسنه محكمه ده حاضر بولنوبده مدعینك دعواسی دفعه صالح بر دعوا به تشبث ایدرایسه استماع واجباتی وجهله فصل اولنور دعوائی دفعه تشبث ایتدیکی ویاخود ایدوبده دفعه صالح اولدینی تقدیرده حکم واقع افتاد واجرا قتلور دیو محرر بولنشددر .

بجه نك حکم غیای غیای فصلنده محرر اولان سالف الذکر بیک سکر یوز اوتوز التنجی ماده سی اعلامات غیایه علیه ووقوعبولان اعتراض اوزرینه محاکم شرعیه جه اتخاذ واجرایی ایجاب ایدن معاملات مضمئن اولمسندن ومحا كجه دستور العمل اولان بجه دن وسائر قوانین ونظاملادن اقتباس حکم ایه خصوصات اجراییه بی بوكا توفیق امرنده مأمورین اجراییه نك حائر صلاحیت اولماسندن ناشی اولجه بیان اولدینی اوزره اعتراض طریقله دفع دعوی تشبثنده بولنان محكوم علیهك ابتدای امرده مرجعندن استحصال ایده چكي علم وخبرله اجرایی تأخیر ایتدیرمی وبالاخره محاکم عاذه سنجه بجه نك مذکور بیک سکر یوز اوتوز التنجی ماده سنه توفیقاً جریان ایدن معاملات متعاقبه نتایج حکمیه سندن دخی رأساً ویا ذیلأ تنظیمی لازم کلان اعلام دیکرله مأمورین اجراییه نك خبردار ایدلسی اعلامات شرعیه نك تمیز واستیناف حقننده کی تعلیمات مخصوصه نك معاملات اجراییه متعلق اولان فقراتنه موافق اولغله برابر حال ومصلحتك کوسرتدیکی لزوم وایجاب اوزرینه اوتدنیرو اعلامات شرعیه اجرا دائرة سنجه جریان ایده گلش وطرفینك حقوقی تأمینه کفایتی ومعاملات ساریه موافق کلاشلمش اولان اصول دخی بومرکزده بولنش اولدیغندن طشره محاکم شرعیه سیله دوائر اجراییه سنجه ده شو اصوله رعایت اولتی لزومك تکرار ایه مشیخت مشار الیایه تذکره جوابیه تسطیری تذکر قلمندی .

تجلیات

محكمه تمیز استدعا دائرة سندن تنظیم واعطا قتلان اعلامدر :

بازار کوی قضاسنه ملحق سلوز مسلم قریه سی اهلالسندن حاجی عمراوغلی احمد اغا ایله بیلرنده مشكون دعوا به دائر قضاء مذکور بدایت محكمه سی حقوق قسمندن لاحق اولان ۳۱ اغستوس سنه ۳۲۱ تاریخلی ویدی عددلی اعلامك تمیزینی مستدعی کلیلکی سعادتلو نوری پاشا وکیلی دعوی وکیللرندن شترجیان میقاتل افندیك وپردیکی عرضحال ومقرعاتی باش مدعی عمومیك مأموریت بهیه سنك مطالعه نامه سیله برلشدیرله ركه محكمه تمیز استدعا دائرة سنده لدی التدقیق مدت وشروط قانونیه سنه موافق اعلام مذکور وظیفه قرارینه متعلق اولغله عرضحال مزبور بالقبول تدقیقات تمیزیه اجراسنه ابستدار قلمدی .

اعلام مذکورك خلاصه مالی سعادتلو نوری پاشا وکیلی قسم مذكوره بالمراجعه موكلنك ایکی قطعه سند موجبجه مرقوم احمد اغا ذمتنده غیراز تسلیم بیک سکر یوز الی بش بیک ایرا ایله سنین مختلفه اعشار حساباسندن مدیون مرقومك مهریله مخنوم دفتر موجبجه لیرای عثمانی بوزغر وشندن اوتوز درت بیک بدی بوز اون درت غروش بکرمی اوج باره که جمعاً ایکی بیک ایکی بوز ایکی ایرا اون ساتیم اله جفی اولدیغندن بجه مبلغ مذکورك مع فاقض تحصلی طلب ودعوی وایکی قطعه سند ابراز واعطا ایتمسه قارشو مدعی علیه احمد اغا وکیلی دخی موکلی ایه مدعی تجارتله متوغل وماهیت ماده یعنی موكلنك مدعیین اشبو اعشاری درعهده ایتمی قصد تجارتیه مبتدی اولدینی جهته دعوائی مذكوره نك رؤتی محكمه تجارتیه حاند اولدینی مدافعه درمیان ایلسی اوزرینه اولبابده جریان ایدن محاکمه ومذاکره نتیجه سننده طرفین متخاصمین صنف تجارتدن اولدقلری کی مبرز ایکی قطعه سند ماللرندن دخی اکلاشلدینی اوزره دین مدعا به مدعی ومدعی علیهك التزام ویکدیگرینه فروخت ایتد کاری قرای معلومه اعشاری جهتندن تجارت مقصدیه مبتدی بولنسنه ودعوائی حاضره نك ایسه مقصد مذکوردن منبعث اولسنه نظرأ ذیل قانون تجارتک بکرمی سکر ننجی ماده سی موجبجه فصل وحشی محكمه تجارتیه حاند اولدیغنه مبنی مدعینك تجارت محكمه سنه مراجعتده مختار اولتی اوزره رد استدعا سنه قرار وریلدیکندن ومستدعی تمیزك اشبو قرار علیه لایحه سنده مندرج اعتراضاتك خلاصه سی دخی اعشار

شرکتی حساباسندن ومعاملات التزامیه دن متولد اولان دعوائی واقعه نك رؤتی محاکم حقوقیه حاند اولدینی حالده محكمه تجارتیه رؤتی لزومه قرار وریلسی مغایر قانون ایدوکندن بجه اعلام مذکورك قضتی استدعا دن ومطالع نامه نك مفادیده طرفینك ادعا ومدافعاتنه ومبرز سندات محتویاتنه نظرراً دعوائی مذكوره نك معاملات عادیه دن منبعث اولدینی وطرفین دخی تعریفات قانونیه به موافق تجارتدن اولدقلری جهته رؤتی دعوی حقوق محكمه سنك جله وظا فندن ایکن محكمه تجارتیه عاذه یکنه قرار اعطاسی مخالف قانون ایدوکنه مبنی قراریمزبهك قضتی لازم كله چكي یاسندن عبارتدر .

ایجابی لدی المذاکره مندرجات اعلامدن مفهم اولدینی وجهله قسم مذکورجه اسباب محرره به بناء دعوائی واقعه نك رؤتی محكمه تجارتیه حاند اولدیغنه قرار وریلس ایسه ده دعوائی مذكوره معاملات عادیه دن معدودی درکار اولان اعشار التزامندن متولد اولسنه وبومقوله معاملات التزامیه به متعلق دعوائینك رؤیت وتدقیق محاکم حقوقیه حاند وتجارت محكمه لرینك وظا فندن خارج بولنسنه نظرراً قرار تمیزه موافق قانون کوریه مدیکندن اصول محاکمه حقوقیه قانوننك ایکی بوز اوتوز ایکنجی ماده سی حکمیه توفیقاً اعلام میزبهك نقضیه کیفیتك احکام قانونیه دائرة سننده یکیدن بالتدقیق اعلامه ربطی ضمننده محكمه مذكوره به اعاده سنه وایچوز قرقاالی غروش اون یاره مصارف تمیزیه نك بالاخره حفسر چقه جق طرفه راجع املق اوزره اول امرده مستدعی تمیز نوری پاشادن النسنه ۸ نیسان سنه ۳۲۲ تاریخنده متفقاً قرار وریلدی .

جوانی ایله کرباقونك سرقه جراتلری اکلاشیله مدیغندن برائتله سنه

سلبانك موسیو فراینك مشعنی سرقت ایلدیکی ثابت اوله مدیغندن برائته

مصطفی ذهی بکک اغونی قاذبنك اشیا سی سرقت ایلدیکی اصولاً ثابت اوله مدیغندن برائته

یونان دولتی تبعه سندن واسیلک اهدا فانك قوانندن بال سرقت ایلدیکی اکلاشیله مدیغندن برائته

احمد وعاصمك مضاربہ ایتدیکلری وبونلردن اهدك اجرای وظیفه حالنده پولیس اسماعیل افندی به حقارتده بولندیقی اکلاشیله مدیغندن برائتله

درسمعات ، بك اوغلی واسكدار بدایت محكمه لری جزا دائرة لرنجه قرار وریلشددر .

تجلیات

نجات بربره حکم سنده :

شهراده باشنده جامع شریف قارشوسنده مغازه لرنده ساکن ایکن تجارت بحریه محكمه سندن افلاسنه حکم اولمش اولان طرف وکریم برادرلر ذمتنده اله جفی اثبات ویا موقتاً قبول وقیدایتدیرمش اولان اله جفلو لرك قانوننامه تجارتک ۲۱۱ نجی وانی ولی ایدن ماده سی موجبجه مفلس طرفندن تکلیف اولنهرق قوتقورددا .

تونك مذاکره سی ایچون ۳۲۲ سنه سی اغستوسنك اوتوز برنجی پنجشنبه کونی محكمه مذكوره نك مصالح افلاسیه رؤیتنه مخصوص اوطه سنه کلری اعلان اولنور .

تجلیات

ساقز بربره سی اهلالسندن وتبعه دولت علیه دن وتجارندن اولوب ساقز تجارت محكمه سنجه موقتاً افلاسنه قرار وریلان یورکی قوماریاتونك خصوصات افلاسیه سنك رؤیت وتسویه سی ضمننده ساقز دعوی وکیللرندن علكسادرو بوجانی وواسیلکی واسیلیادی افندیلر اصالة سندنك تعیین قلمش اولدقلرندن مفلس مرقوم ذمتنده اله جفی اولانلرك قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً بکرمی برکون ظرفنده سنداتی محكمه کاتبه تسلیم ایللری ومدت مذكوره ظرفنده محكمه مذكوره نك مصالح افلاسیه رؤیتنه مخصوص اوطه سنه کلرک سندنك افندیلر مواجهه سننده الاجلرینی اثبات وقید وتصدیق ایتدیرملری ومدت مذكوره ده اثبات وجود ایده میان الاجلورلر حقنده قانون مذکورك ۲۱۰ نجی ماده سنه توفیقاً ایقای معامله اولنهرق جفی اعلان اولنور .

ریزه بدایت محكمه سی نجات قسمنده :

ریزه قضاسی بدایت محكمه سی تجارت قسمندن افلاسنه قرار وریلمش اولان قاش تجارتدن عیشوه بهارک خصوصات افلاسیه سنك رؤیت وتسویه سی ضمننده تجارتدن محكمه جه موقوف ومعتد کورینان قسطی وحایم افندیلرك اصالة سندنك تعیین قلمش اولدقلرندن مفلس مرقوم ذمتنده الاجنی اولانلرك تحقیق دیون ایچون ۲۸ اغستوس سنه ۳۲۲ تاریخنه قدر سنداتی محكمه کاتبه تسلیم ایللری واندن صکره الاجلرینی اثبات وقید وتصدیق ایتدیرملری و اغستوس غایه سنه قدر کلان الاجللیلر حقنده قانون تجارتک

ایکیوز اونجی ماده سی موجبیه ایضای معامله اولنه جنی اعلان اولنور .

در سعادت اعمال نظامیه اجرا دائره سنه :

یوسف ضیاء الدین افندیکنک الاجفندن طولانی مصطفی ضیا بکک مالی اوله رق مرهون وفروختی محکوم اولوب مقدما موقع مزایده به وضع اولنان غلطه ده کما نکش قره مصطفی باشا محله سنده بکزاده زقاغنده کائن تخمیناً الی آرشون عرصه اوزرینه مبنی درت قاتندن عبارت یدی اوطه و برتراجه و برقیو والتده قهوه خانه بی مشتمل اوتوز اوج و مکرراوتوز اوج والیوم یکریمی طقوز نومرولی برباب خانه و سالف الذکر قهوه خانه تمامی لیرای عثمانی یوزغروش حسابیله یکریمی بیسک بشیوز غروش بدل ایله طالابی عهده سنده تقرر ایدرک موقت قرار داده سی کشیده قلمش اولدیغندن تاریخ اعلاندن اعتباراً اوتوز برکون ظرفنده یوزده بش ضم ایله طالب اولانلرک در سعادت اعلامات نظامیه اجرا دائره سنه مراجعت ایلمری لزومی اعلان اولنور .

بک ارغلی بدایت محکمه سی برنجی حقوق دائره سنه :

بک اوغلنده فری کوبنده بیوک دره جاده سنده یوز یتیش بش و مکرر یوز یتیش بش نومرولی ایکی باب خانه بی غلطه ده کرج قپوسنده سیته فرانسه ز خانه سابق اوطه باشی والیوم برر کر قور ولد مغردیچدن تفرغاً درونلرنده قوهاریک قادیکنک فضولاً اشغال و اقامت ایتیکده اولدیغندن مذکور خانه لردن مزبورنک حقنده اجرای موقته تخلیه قراری اعطا اولنورق چیقاراسی ضمننده صمائیسه ده تیورجی اوسکیان زقاغنده سکسان نومرولی خانه ده ساکنه زاروهی قادیکنک اقامه ایلیکی دعوانک و جاهاً جریان ایدن محاکمه سنده مدعی علیها قوهاریک و کبلی مارالذکر خانه لرده موکله سی یکریمی سنه دنبرو قسماً اقامتله برابر قسماً آخره بالا یحیار اجارائی دخی المقده اولوب بوصورتله ثابت اولان مرور زمانه بناءً موکله سنک چیقاراسی جائز اوله میه جنی کبی فارغ مرقومک عهده سنده کی قیدک مواضع بولندیغنی و مدعیه نک دعوی واقعیه سی تخلیه مرکزنده اولیوب نتیجه سی اعتباریله تسلیم مبیع دعواسی بولندیغنه نظراً بوبابده کی بیعک صحت وعدم صحتی حقنده فارغی علیه اقامه دعوی ایتیمی لزومی بدیهی اوله رق بوندن طولانی موکله سنه خصومت توجه ایتیه جکفی و دعوی حاضرده فارغ مرقومک دخی حضوری مقتضی ایدوکنندن داخل محاکمه ایدلمی لزومی در میان ایتیمی اوزرینه مدعی

علیهانک تاریخ فراغدن مقدم مستمراً مذکور خانه لرده اقامت و اشغالی بالینه ثابت اولدیغندن ذی الید اولمق اعتباریله خصومتک توجهیه وشوقدرکه مبیعک تسلیمی بایعه عائد اولمسی نقطه نظرندن فارغ مرقومک داخل محاکمه ایدلمسه قرار ویریلرک نامنه مسطر دعوتیه ورقه سی زیرینه در سعادت ارمنی کلیسا جمعیتکنک رسمی و خدمه سندن احمد شرف الدینک ذات مهرلری ایله مختوم و منیل شرحده مرقوم کر قورک اقامتگاهنده بولنه میوب نرده اولدیغنیک دخی مجهول اولدینی بیلدیرلش و مدعیه و کبلی دخی اوراق حوادث ایله و اعلان صورتیله تبلیغاتک اجرایی طلب الیش و طلب واقع اصول محاکمه حقوقیه قانوننک یکریمی التجی ماده سنک فقره اخیره سنه موافق کورلش اولدیغندن ماده مذکوره حکمنه توفیقاً مداخل دعوی مرقوم کر قور حقنده کی تبلیغاتک اوراق حوادثله نشر و اعلانه قرار ویرلش و سنه حاضره تشرین اولنک اون بشنجی چهارشنبه کونی ساعت التیده اجرای محاکمه سی مقرر بولنش اولدیغندن یوم و وقت مزبورده مرقوم کر قورک بالذات کلیسی و یاخود طرفندن مصدق سندله بروکیل کوندرمسی لازم کله جکی و عکسی تقدیرده قانون مزبورک مواد مخصوصه سی موجبیه مدعیه نک طلبیله حقنده کی دعوانک غیباً رؤیت و فصل اولنه جنی و اولبالیده کی دعوتیه ورقه سنک محکمه دیوانخانه سنه تعلیق ایدلیدی بک اوغلی بدایت محکمه سی برنجی حقوق دائره سندن اعلان اولنور .

بک ارغلی بدایت محکمه سی اجرا دائره سنه :

یونان دولتی تبعه سندن مقدما آ. پ. اماطیوس زوجیه سی والیوم انکلتیره دولتی تبعه سندن فراتق دوس زوجیه سی آنا نام دیگر انازولا قادیکنک یونان دولتی در سعادت قونسولانوسنک لازم الاجرا برقطعه اعلامی موجبیه دولت مشار الیه تبعه سندن میخال کریبکی و لازار کریبکی ذمتلرنده معلوم المقدار اله جفنگ تاملین استیفاسی ضمننده مدیونان مومی الیهامیه پدرلری متوفی علیکساندر کریبکی لیدن عادیاً انتقال ایدن بک اوغلنده مارغربت زقاغنده اون بش نومرو ایله مرقم درت اوطه و بر اوفقی ترارجه و بر قیو و بر صهرنجی شامل برباب کارگیر خانه ده کی نصف حصه شایعه لری لدی المزیاده اون ایکیبیک غروش التون ایچه بدل ایله طالبی عهده سنده تقرر ایتیش اولغله تاریخ اعلاندن اعتباراً اوتوز برکون ظرفنده یوزده بش ضم ایله طالب اولانلرک بک اوغلی بدایت محکمه سی اجرا دائره سنه و اوتوز برنجی یعنی شهر ایلولک اون سکرنجی بازار ایتسی کونی قراردادده

قطعیسی کشیده اولنقی اوزره ساعت اون قرارلرنده یوزده اون نسبتنده کی پی و دیپوزیتو ایچه لری مستصحباً املاک مذکوره پیشگاهنده ماموری مواجهه سنده حاضر بولنلری اعلان اولنور .

صراف فلیب اناغوسیتیدی زوجیه سی مادام اسپاسیانک بک اوغلی بدایت محکمه سی برنجی حقوق دائره سی اعلامیله مطبوعات اجنبیه قلمی خلفاسندن عزتلو آیک پرتوافندی ذمتنده محکوم به اله جنی اولان مبالغ معلومه نک تأمین استیفاسی ضمننده مدیون مومی الیهک عهده تصرفنده اولوب دایته مزبوره نامنه فراغ بالوفا ایله مقید و فروختی سالف الذکر اعلام ایله محکوم بولنان بک اوغلنده حسین اغا محله سنک لاله زقاغنده کائن عرضاً اون ایکی و طولاً اوتوز آرشون عرصه اوزرینه مبنی و درت قاتندن عبارت صغیر و کبیر اون اوطه و اوج صفه و مطبخ و قیو و ترارجیه مشتمل الیاس چلی و احمد کتخدای اوکی کریمیه سی اسمخان خاتون و قفلرندن یدی و طقوز نومرولریله مرقم برباب کارگیر خانه نک تاریخ اعلان اعتباراً اون بش کون صکره بالمزیاده فروخته تشبث اولنه جفندن طالب اولوب بوندن زیاده معلومات المق ایستینلرک بک اوغلی بدایت محکمه سی اجرا دائره سنه مراجعت ایلمری اعلان اولنور .

بنایوط قره دانیدی ایله واسیلک ضیا مصطفی بکله قصباریان مهران افندی ذمتلرنده محکوم به اله جقلمی اولان مبالغ معلومه نک تأمین استیفاسی ضمننده مدیونانند ضیا مصطفی بکک عهده تصرفنده اولوب بک اوغلی بدایت محکمه سی برنجی حقوق دائره سی قراریه حجز التنه النمش و حجزک تصدیقته دخی قرار ویرلش اولان فری کوبنده چفته جویرلر جاده سنده کائن جنتمکان سلطان بایزید خان ولی حضرتلری وقفنه مقاطعه لو تخمیناً اون درت بیک ارشون مقداری اراضی و براقه بی و اخوری مشتمل سلخخانه والیوم قوطره تعبیر اولنور قیون تقسیمه مخصوص ماندره نک نصف حصه سنک تاریخ اعلاندن اعتباراً اون بش کون صکره بالمزیاده فروخته تشبث اولنه جفندن طالب اولوب ده زیاده معلومات المق ایستینلرک بک اوغلی بدایت محکمه سی اجرا دائره سنه مراجعت ایلمری دائره مذکوره دن اعلان اولنور .